

Greiðslur í sjóðinn eða úr miðast við 75% af verðbreytingu frá grundvallarverði. Verðið miðast við viðskiptagengi (skilagengi) eins og það verður á hverjum tíma.

Sjávarátvegsráðuneytið, 10. júní 1982.

F. h. r.

Jón B. Jónasson.

Kristín Magnússon.

REGLUGERÐ

um breyting á reglugerð nr. 2/1982 um innheimtu þinggjalda og greiðslu barnabóta á árinu 1982 o.fl.

1. gr.

11. gr. reglugerðarinnar orðist svo:

Heildarfjárhæð barnabóta að frádregnum greiðslum opinberra gjalda skv. 3. mgr. 69. gr. laga nr. 75/1981 og að frádregnum fyrirframgreiddum barnabótum skv. 7.—10. gr. skal skipt í fimm sem næst jafnar greiðslur er koma til útborgunar á fyrstu 15 dögum hvert mánaðar frá ágúst til desember 1982. Þó skal útborgun barnabóta ekki hefjast fyrr en álagningu á einstaklinga í viðkomandi umdæmi er lokið.

Sé heildarfjárhæð eftirstöðva barnabóta lægri en 2 000 kr. skal þeim skipt niður á færri en fimm útborgunardaga þannig að lægri fjárhæð en 1 000 kr. skal ekki skipt og engin greiðsla verði lægri en 500 kr. vegna skiptingar. Útborgun fer þá fram á fyrstu útborgunardögum skv. 1. mgr.

2. gr.

Reglugerð þessi, sem sett er samkvæmt heimild í 110. gr. og 119. gr. laga nr. 75/1981 um tekjuskatt og eignarskatt, öðlast þegar gildi.

Fjármálaráðuneytið, 10. júní 1982.

F. h. r.

Höskuldur Jónsson.

Lárus Ögmundsson.

GJALDSKRÁ

fyrir þjónustustörf Vinnueftirlits ríkisins.

1. gr.

Eigendum eða umráðamönnum eftirlitsskyldra farandvéla, farandvinnuvéla, búvéla, lyftna og vatnshitunarkerfa skulu árlega greiða gjald í ríkissjóð fyrir skráningu og eftirlit með slíkum vélum og tækjum skv. gjaldskrá þessari. Eigendur eða umráðamenn eftirlitsskyldra atvinnufyrirtækja skulu á sama hátt greiða gjald fyrir ýmiss konar aukaþjónustu Vinnueftirlits ríkisins.

2. gr.

Fyrir farandvélar, farandvinnuvélar og lyftur greiðist sem hér segir:

1. flokkur: Gjald kr. 342,00.

Fólkslyftur, málarastólar, vörulyftarar með sæti, dráttarvélar.

Gjaldið greiðist þó ekki ef tæki þessi eru í eigu eftirlitsskyldra fyrirtækji.

2. flokkur: Gjald kr. 461,00.

Vegaþjöppur, vegheflar og aðrar vegagerðarvélar, jarðýtur, ámokstursvélar, skurð-gröfur og aðrar svipaðar vélar, litlir farandkranar (bómulengd minni en 8 m, lyftigeta minni en 2 tonn). Skíðalyftur minni.

3. flokkur: Gjald kr. 681,00.

Farandkranar, byggingakranar. Skíðalyftur stærri.

Þó skoðun fari fram oftast en einu sinni á ári, greiðist skoðunargjald aðeins einu sinni, nema framkvæma þurfi aukaeftirlitsskoðun vegna vanrækslu á framkvæmd fyrirskipaðra umbóta, en fyrir slíka skoðun greiðist fullt gjald.

3. gr.

Fyrir skoðun vatnshitunarkerfa sbr. reglugerð nr. 302/1978 greiðist kr. 393,00 og fyrir neysluvatnshylki kr. 117,00.

4. gr.

Fyrir gasmælingu oliugeyma í skipum greiðist kr. 227,00 fyrir fyrsta geymi og síðan 86,00 fyrir hvern geymi. Fyrir gasmælingu vélarrúms eða dælurúms greiðist ekki gjald, nema eingöngu sé mælt í því.

Fyrir þrýstiraun katla eða geyma, sem eru minni en 2 m³ að rúmtaki eða með minni þrýsting en 2 kg/cm² greiðist kr. 135,00, en fyrir stærri katla kr. 192,00.

Sé gasmæling, þrýstiraun eða önnur þjónusta framkvæmd utan reglulegs vinnutíma, samkvæmt ósk eiganda eða umráðamanns fyrirtækis eða skips, skal hann greiða þann kostnað sem af slíku hlýst.

5. gr.

Fyrir umfangsmeiri mælingar á hávaða, titringi, mengun í andrúmslofti, lýsingu vinnurýmis eða aðrar hliðstæðar athuganir skal eigandi eða umráðandi fyrirtækis greiða þann kostnað sem af mælingum hlýst annan en dagvinnulaun fastráðinna starfsmanna Vinnueftirlits ríkisins.

6. gr.

Fyrir þátttöku í námskeiðum um meðferð og notkun á sprengiefnum greiðir hver þátttakandi gjald sem svarar til heildarkostnaðar námskeiðs hverju sinni deilt niður á alla þátttakendur. Á sama hátt reiknast þáttökugjald vegna námskeiða vegna notkunar naglabyssu og námskeiða um öryggismál í meðferð og stjórnun farandvinnuvéla.

Gjald vegna verklegrar prófunar í notkun sprengiefna skal vera kr. 225,00

Gjald vegna verklegrar prófunar tækjastjóra skal vera:

Fyrir próf á lyftara — 90,00

Fyrir próf á aðrar vélar — 180,00

Sé samtímis tekið próf á fleiri en eina vél skal prófgjald fyrir hverja vél eftir fyrstu vél vera — 90,00

Gjaldskrá þessi sem sett er samkv. 2. mgr. 49. gr., 3. mgr. 77. gr., 2. og 4. mgr. 80. gr. laga nr. 46/1980 um aðbúnað, hollustuhætti og öryggi á vinnustöðum staðfestist hér með til þess að öðlast gildi þegar í stað og birtist til eftirbreytni öllum þeim, sem hlut eiga að máli. Jafnframt fellur úr gildi gjaldskrá fyrir þjónustustörf Vinnueftirlits ríkisins nr. 96/1981.

Félagsmálaráðuneytið, 15. júní 1982.

F. h. r.

Hallgrímur Dalberg.

Hólmfriður Snæbjörnsdóttir.

21. júní 1982.

Nr. 339.

AUGLÝSING

um staðfestingu á breytingu á aðalskipulagi Reykjavíkur.

Hinn 22. október 1981 hefur skipulagsstjórn ríkissins staðfest þá breytingu á aðalskipulagi Reykjavíkur að um það bil 60 metra breið spilda meðfram Skipholti sem áður var ætluð undir stofnanir verði framvegis jöfnum höndum ætluð undir íbúðir, iðnað, stofnanir og skrifstofur.

Félagsmálaráðuneytið, 21. júní 1982.

F. h. r.

Hallgrímur Dalberg.

Hólmfriður Snæbjörnsdóttir.

Nr. 340.

REIKNINGUR

yfir tekjur og gjöld styrktarsjóðs þeirra, sem bíða tjón af jarðeldum, fyrir árið 1981.

Sjóður í ársbyrjun:

Búnaðarbankainnstæða nr. 521704	kr.	8 025,00
Vextir	—	3 550,00
		<hr/>
	kr.	11 575,00

Sjóður til næsta árs:

Búnaðarbankainnstæða nr. 521704	kr.	11 575,00
		<hr/>
	kr.	11 575,00

Félagsmálaráðuneytið, 15. júní 1982.

F. h. r.

Hallgrímur Dalberg.

Lára Hafliðadóttir.